



AN COIMISIÚN
EORPACH

An Bhruiséil, 30.11.2016
SWD(2016) 395 final

DOICIMÉAD INMHEÁNACH OIBRE DE CHUID AN CHOIMISIÚIN

ACHOIMRE FEIDHMIÚCHÁIN AR AN MEASÚNÚ TIONCHAIR

a ghabhann leis an doiciméad

**Togra le haghaidh RIALACHÁN Ó PHARLAIMINT NA hEORPA AGUS ÓN
gCOMHAIRLE**

maidir le Rialachas an Aontais Fuinnimh,

**lena leasaítear Treoir 94/22/CE, Treoir 98/70/CE, Treoir 2009/31/CE, Rialachán (CE)
Uimh. 663/2009, Rialachán (CE) Uimh. 715/2009, Treoir 2009/73/CE, Treoir
2009/119/CE ón gComhairle, Treoir 2010/31/AE,
Treoir 2012/27/AE, Treoir 2013/30/AE agus Treoir (AE) 2015/652 ón gComhairle agus
lena n-aisghairtear Rialachán (AE) Uimh. 525/2013**

{COM(2016) 759 final}
{SWD(2016) 394 final}
{SWD(2016) 396 final}
{SWD(2016) 397 final}

Bileog Achoimre Feidhmiúcháin
Measúnú tionchair ar Thogra le haghaidh Rialacháin maidir le Rialachas an Aontais Fuinnimh
A. An gá atá le beart
Cén fáth? Cén fhadhb a bhfuiltear ag díriú uirthi? <u>11 líne ar a mhéid</u>
<i>Níl acquis reatha AE maidir le pleanáil, tuairisciú agus faireachán oiriúnaithe go maith chun tacú le cur chun feidhme an Aontais Fuinnimh. Tá na hoibleagáidí mar atá siad faoi láthair neamhleanúnach i réimse an fhuinnimh agus níl comhsheasmhacht idir réimse an fhuinnimh agus réimse na haeráide. Leanann as seo ualach riaracháin nach bhfuil gá leis agus rialú agus pleanáil neamhéifeachtach. De bhreis air sin, ní leor an próiseas beartais idir na Ballstáit agus an Coimisiún chun cuspóirí an Aontais Fuinnimh a bhaint amach, go háirithe spriocanna 2030 lena n-áirítear spriocanna maidir le fuinneamh in-athnuaite agus éifeachtúlacht fuinnimh, agus sioncronú le Comhaontú Aeráide Pháras. Imríonn sé seo tionchar ar Bhallstáit, saoránaigh agus ar lucht infheistíochta. Rinneadh Seiceáil Oiriúnachta REFIT ar na hoibleagáidí atá acquis maidir le cúrsaí fuinnimh cheana mar aon leis an mbaint atá acu leis an acquis maidir le cúrsaí aeráide.</i>
Cad leis a bhfuiltear ag súil ón tionscnamh seo? <u>8 líne ar a mhéad</u>
<i>Is é is aidhm don tionscnamh ná Pleananna Comhtháite Náisiúnta Fuinnimh agus Aeráide a bhunú agus oibleagáidí maidir le pleanáil, tuairisciú agus faireachán i réimsí an fhuinnimh agus na haeráide a chuíchóiriú. Lena chois sin, táthar ag díriú ar phróiseas Rialachais comhordaithe comhsheasmhach a bhunú idir an Coimisiún agus na Ballstáit, próiseas a chuirfidh ar chumas AE a chuid oibleagáidí aeráide idirnáisiúnta a chomhlíonadh ag an am céanna.</i>
Cad é an breisluach atá le beart a dhéanamh ar leibhéal an Aontais? <u>7 líne ar a mhéad</u>
<i>Tá gníomh ar leibhéal an Aontais cóir agus riachtanach i bhfianaise go bhfuil líon mór gnéithe trasnáisiúnta ag baint leis an Aontas Fuinnimh agus i bhfianaise an ghá atá le Pleananna Náisiúnta nua a chur ar bun agus oibleagáidí atá ann cheana féin a chuíchóiriú. Ní féidir leis na Ballstáit cur chun feidhme a chinntiú trí rialú náisiúnta amháin. Lena chois sin, má chuimhnítear go bhfuil cuid de chuspóirí an Aontais Fuinnimh socraithe ag leibhéal an Aontais (go háirithe cuspóir 2030 maidir le fuinneamh in-athnuaite), tá gá le próiseas ag leibhéal an Aontais chun iad seo a bhaint amach.</i>
B. Réitigh
Cad iad na roghanna beartais reachtacha agus neamhreachacha a breithníodh? An bhfuil rogha thosaíochta ann nó nach bhfuil? Cén fáth? <u>14 líne ar a mhéad</u>
<i>Is léir ón Measúnú Tionchair gurb é an rogha thosaíochta ná gníomh reachtach amháin maidir le rialachas an Aontais Fuinnimh a chuirfear in ionad na gcodanna ábhartha den acquis fuinnimh agus a rachaidh in ionad an Rialacháin um shásraí faireacháin. Bheadh gníomh reachtach amháin maidir le rialachas an Aontais Fuinnimh a chuirfear in ionad codanna ábhartha den acquis fuinnimh agus in ionad codanna ábhartha den Rialachán um shásraí faireacháin sách gar don rogha sin ó thaobh costas agus tairbhí de. Is é a bheadh i gceist leis an rogha thosaíochta leis, ná go dtabharfadh na Ballstáit na Pleananna Náisiúnta Comhtháite Fuinnimh agus Aeráide cothrom le dáta faoi dhó idir 2021 agus 2030 agus go dtuairisceoidís ar chur chun feidhme na bpleananna gach dara bliain i dTuarascálacha cuimsitheacha ar dhul chun cinn. Dhéanfaidh an Coimisiún faireachán uair sa bhliain ar dhul chun cinn coiteann trí Staid an Aontais Fuinnimh. Moltar gur chóir don Choimisiún moltaí a dhéanamh maidir le Pleananna Náisiúnta de bhreis air seo, bunaithe ar phróiseas a bheidh socraithe sa reachtaíocht, mar chuid dá faireachán agus d'fhonn a áirithiú go mbainfear cuspóirí an Aontais Fuinnimh amach.</i>

Na páirtithe leasmhara éagsúla agus na bearta is rogha leo 7 líne ar a mhéad

Tacaíonn mórchuid díobh siúd a thug freagra ar an gComhairliúchán Poiblí leis an gcur chuige ginearálta agus leis an rogha thosaíochta. Maidir leis an bpróiseas Rialachais, threisigh na Ballstáit nach mór cothromaíocht a bhaint amach idir cinnteacht infheistíochta agus solúbthacht chun na Pleananna Náisiúnta a chur in oiriúint do chúinsí atá ag athrú.

C. Tionchar na rogha tosaíochta

Cad iad buntáistí na rogha tosaíochta (más ann di; murab ann, cad iad buntáistí na bpríomhroghanna)? 12 líne ar a mhéad

Beidh tairbhí suntasachta ag teacht chuig na Ballstáit, a saoránaigh agus a gcuid gnólachtaí mar gheall ar Rialachas an Aontais Fuinnimh toisc go mbeidh creatlaí beartais níos láidre ann agus beartais níos stuama ann thar na cúig ghné den Aontas Fuinnimh. Meastar go mbeidh tairbhí móra ag an gcur chuige tosaíochta i leith an Rialachais mar is ar shlí níos tráthúla agus níos éifeachtúla a bhainfear cuspóirí an Aontais Fuinnimh amach, cuirfear cinnteacht don lucht infheistíochta chun cinn agus déanfar sioncronú le Comhaontú Aeráide Pháras. Meastar go mbeidh gá le hinfeistíochtaí € 200 billiún in aghaidh na bliana sna deich mbliana seo amach romhainn chun aistriú chuig córas fuinnimh níos sábháilte agus níos inbhuanaithe; trí Rialachas an Aontais Fuinnimh beidh an chinnteacht agus an intuarthacht ann atá riachtanach chun na hinfeistíochtaí seo a éascú agus lena chinntiú go mbeidh níos mó éifeachtúlachta acu.

Cad iad costais na rogha tosaíochta (más ann di; murab ann, cad iad costais na bpríomhroghanna)? 12 líne ar a mhéad

Meastar go mbeidh costas iomlán carnach 219.3 milliún EUR ar na Ballstáit sa tréimhse 2021-2030 leis an rogha thosaíochta do chuíchóiriú trí ghníomh reachtach amháin. San áireamh sa mhéid sin tá idir chostas cur chun feidhme aonuaire agus chostais bhliantúla agus tugtar le fios go sábhálfaí 3.4 milliún EUR i gcomparáid leis an mbonnlíne. I gcomparáid leis sin, bheadh costas iomlán carnach 330.1 milliún EUR ar na Ballstáit dá ndéanfaí cuíchóiriú de réir reachtaíocht sainearnála. Meastar gur mó ná 3.4 milliún EUR an méid a shábhálfaí go hiarbhír le pacáiste na roghanna tosaíochta. Tá sin amhlaidh toisc go moltar sa phacáiste, inter alia, go ndéanfaí tréimhsiúlacht na n-oibleagáidí pleanála, tuairiscithe agus faireacháin a chuíchóiriú, rud a laghdóidh an t-ualach riaracháin. Maidir leis an bpróiseas Rialachais, ní dhearnadh aon chainníochtú ar chostais de bharr chineál nós imeachta na roghanna. Meastar, áfach, go mbainfidh costas riaracháin leo atá cosúil leis nó ábhairín níos airde ná an bonnlíne de bharr go gcuirfear próiseas Rialachais nua ar bun.

Cén difear a dhéanfar do ghnólachtaí, do FBManna agus do mhicrifhiontair? 8 líne ar a mhéad

Táthar ag súil le tionchar maith ar ghnólachtaí go ginearálta agus go háirithe ar FBManna mar thoradh ar níos mó cinnteachta d'infheisteoirí agus trédhearcacht níos fearr a bheith ann de bharr phleanáil 2030 don Aontas Fuinnimh. Ní dhéanfaidh an tionscnamh difear do chineál na n-oibleagáidí faisnéise ná ní thabharfar isteach oibleagáidí nua do ghnólachtaí leis.

An mbeidh tionchar suntasach ar bhuiséid agus riaracháin náisiúnta? 4 líne ar a mhéad

Bainfidh údaráis riaracháin na mBallstát tairbhe as na hoibleagáidí pleanála agus tuairiscithe cuíchóirithe. Lena chois sin beidh orthu Pleananna Náisiúnta a fhorbairt a dtabhófar costais leo ach éascóidh siad éifeachtúlacht eacnamaíoch mar thoradh ar phleanáil fheabhsaithe agus sábháil costais. Chomh maith leis sin rachaidh rannpháirtíocht sa Rialachas nua leis an gCoimisiún agus le Ballstáit eile i bhfeidhm ar údaráis riaracháin na mBallstát.

An mbeidh aon tionchar suntasach eile i gceist? 6 líne ar a mhéad

Beidh eolas níos fearr ag saoránaigh ar chur chun feidhme an Aontais Fuinnimh trí oibleagáidí cuíchóirithe níos trédhearcaí a bheith ar na Ballstáit agus ar an gCoimisiún. De

bhreis air sin, meastar go mbeidh tionchar dearfach comhshaoil ag an rogha thosaíochta, agus go méadófar feidhmíocht AE leis maidir le gníomhaíocht ar son na haeráide.

D. Iarobair

Cathain a dhéanfar athbhreithniú ar an mbeartas? 4 líne ar a mhéad

Níl aon phleanáil déanta fós maidir le hathbhreithniú a dhéanamh ar an tionscnamh reachtach. Ba chóir meastóireacht ar chur chun feidhme an tionscnaimh a dhéanamh i lár na 2020idí, agus d'fhéadfadh sé go dtiocfaidh athbhreithniú as sin.